



MURUA ETXABE familia

GORRIÑE Egileor auzoko baserria da. Baserri inguruko soro eta zelaien izenen artean dau-de *Etxe-barruti, Añi, Zulota, Aldapa, Bekobarrena, Soroaldeko ateta, Kaskagañe*.

Baserritik elizara ordu laurdeneko bidea dago eta lantegira ordu erdikoa. 1970ean egin zuten auzoko bidea, eta etxearen jabe egin ziren 1984an. 1970ean berritu zituzten etxeko sukaldea eta komunak. Fabrikari lan egin izan zuen Antonio Muruak.

Hala ere, baserriari eutsi zioten. Jexuxa Etxaberen lana izaten zen goizean lanak eginez behiak jeztea, herrira jaitsi eta han esne-partiketak egitea. Etxera etorri, bazkaria prestatu, astoa hartu eta mendira (*Urreztiarrenera*) joaten zen ondoren. Han, gizona-ekin bazkaldu eta hari lanean laguntzen zion.

Gorriñen beti egur falta izaten omen zen eta mendira bidean hartu bide bazterreko egurrak eta astoa kargatzen omen zuen. Mendira edozein paseo edo ibilbide egindakoan ere berdin egiten omen zuen.

1909an ezkondu ziren Joxe Frantzisko Murua eta Mikela Beloki, Zaldibiko *Zulota* baserriko alaba.

Hurrengo hazaldian ezkondu ziren Gorriñeko seme Antonio eta Jexuxa Etxabe Zaldibiko *Konporta* baserriko alaba. Juankruzenean egin zuten otordua eta Zaragozara joan ziren ezkontza-bidaian.

Ezkondu zirenean etxean bizi ziren gurasoak eta hiru anaia-arreba. Zazpi seme-alaba izan zituzten:

Jose Inazio, Maria Angeles, Kepa, Joseba, Maria Jose, Iñaki eta Andoni.

Baserrian lau behi eta bi idi zituzten. Laborantzan patata, garia, artoa, babarruna egiten zuten, eta Ordiziako ferian saltzen zituzten oilaskoak, arrautzak eta babarrunak. Eta baita sagarrak eta gaztainak ere.



Baserriaren arrastoa idatzietan


Gorriñe agertzen da, *Gorriñe* izenarekin, 1783-12-17an, Francisco Antonio de Echaveren aurrean, Enerio eta Aralarko sailen erabileraz bitartekari bati emandako botere-emaileen artean. Ordezkarri bakarra agertzen da bilera hartan.

Informazio emaila: Jexuxa Etxabe



MURUA BELOKI familia. 1962

Ramon, Joxe Mari, Ramona, Antonio, Bixenta, Joan Inazio /
Mikela Beloki (ama), Joxe Frantzisko Murua (aita), Maria Jexux eta Paulo.



MURUA ETXABE familia

Jexuxa (ama), Joseba, Antonio (aita) /
Jose Inazio, Maria Angeles eta Kepa.
Familia osatzeko falta dira: Maria Jose, Iñaki eta Andoni.



Jexuxa Etxabe, gazta egiten.